

FAAFINTÁ RÁSMIGA AH



الرسمية الجريدة

Sannadka 12aad Muqdisno 20ka Agoosto 1984 L. 1 r 8
JAMHURIYADDA DEMOQRAADIGA SOOMAALIYA

جمهوريه الصومال الديمقراتيه

FAAFIN BIL SOO BAXA

جريدة شهريه

QIIMADU: waa 5 shilin lambar waliba — **RUKUNKA:** Sana-dii waa Sh. 100 Soomaaliya gudeheeda - dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janaayo. Qiimaha qortitaanku F. R. halkii sadar iyo waxii ka yar waa 2 laba Sh. Rukunka iyo qoritaanku waxaa la weydiistaa Laanta Maamulka Faafinta Rasmiga ah Lacagta waxaa lagu bixinayaa Xafiiska Canhuuraha ee Wasaaradda Lacagta.

K O O B N I I N

QAYBTA KOOWAAD
SHARCI

W. M.
QAYBTA LABAAD

X E E R

XEER MADAXWEYNAHA JDS, L. 31 ee
31 Luulyo 1984, Billad Maar oo Wad- BOG. 595
daninimo ah lagu Maamuusay J.L.
Dhaqane Xaashi Nuur.

XEER MADAXWEYNAHA JDS, L. 32 ee
29 Luulyo 1984, Xeer Nidaamiyaha » 556
Kulliyadda Culunta Siyaasadda.

QAYBTA SADDEXAAD
TALOOYIN ISGAARSEN OGEYSIIS IYO WIXII LA
MID AH.—

DAWLADDA HOOSE EE MUQDISHO 4.784
Naado Dhul Jaalle Cabdulqaadir Ma » 612
xamed Nuur L. 259

DAWLADA HOOSE EE MUQDISHO, 4.7.84 Naado Dhul J/le Mire Awaare Jaamac L. 260	»	613.
DAWLADA HOOSE EE MUQDSHO, 29.7.84 Naado Dhul Jaalle Indhadeeq Cali Maxamed L. 261	»	614
MAXKAMADDA G. BANAADIR, 14.8.84, Lumid Jeeg War. L. 51948 ku qoran Cabdi Cusmaan Saciid L. 262	»	615
MAXKAMADDA GOBOLKA BANAADIR Lumid Jeeg War. L. 573050 ku qoran Xasan Saalax Ismaaciil L. 263	»	616
MAXKAMADDA GOBOLKA BANAADIR Lumid Jeeg War. L. 573060 ku qoran Xuseen Saalax Ismaaciil L. 264	»	617
MAXKAMADDA G. BANAADIR, 18.8.84 Lumid Jeeg War. L. 319160 ku qoran Cali Xaaaji Faqoow L. 265	»	618
MAXKAMADDA G. TOGDHEER, 31.7.84, Lumid Jeeg War. L. 405612 ku qoran L. 266	»	619
MAXKAMADDA G. BANAADIR, 14.8.84 Lumid Buug Kayd L. 7916 ku qoran Shukri Raabi Aadan L. 267	»	620

Faafinta Rasmiga ah L. 1 r 7 19 Luulyo 1984. Bog. 505, magaca ku qoran Go'aanka waa in loo akhriyaa sida Hoos ku tilmaaman.

Maxamed Aadan Yuusuf

TIRTIRID NAADO DHUL

FAAFINTA RASMIGA AH L. 2 r 7 ee 31 Luulyo 1984.
Bog. 549 ilaa 551, oo ay ku qoran yahiin Naado Dhul waa la tirtiray.—

QAYBTA KOWAAD
XEER.

XEER MADAXWEYNAHA JDS, L. 31 ee 31 Luulyo

1984, Billad Maar oo Waddaninimo ah lagu Maa-
muusay Jaalle Dhaqane Xaashi Nuur.

MADAXWEYNAHA JDS

MARKUU ARKAY: Qodobka 82aad oo Dastuurka
JDS;

MARKUU ARKAY: Sharciga Lam. 65 ee 19ka Oktoo-
bar 1970;

MARKUU TIXGELIYAY: Codsiga uu soo qortay
Jaalle Dhaqane;

MARKUU TIXGELIYAY: Hawlaха aad qiiimaha
ugu fadhiya Kacaaka uu muujiyeey Jaalle Dha-
qane Xaashi Nuur;

MARKUU AQOONSADAY: Inay lagamamaarmaan
tahay in dadka ku shaqeeya Waddaninimo, kana
qayb qaata difaaca dalka isagoo muujiyey niyad-
sami, Kacaannimo, looga reebo raad wax ku ool
ah;

MARKUU TIXGELIYEY: Talada Guddiga Abaalma-
rinta MJDS.

WUXUU SOO SAARAY

Xeerka soo socda:

Qodob keliya

Waxaa lagu maamuusay Billad Maar Waddanini-
mo ah Jaalle Dhaqané Xaashi Nuur ahna halgamaa
weyn hawl aad u qiimo leh ú qabtay dalka.

Xeerkan wuxuu dhaqan galayaa marka uu Ma-
daxweynaha JDS, soo saxiixo.

Muqdisho, 31 Lug. 1984

MADAXWEYNAHA JDS
(S/Gaas Maxamed Siyaad Barre)

Xeerka Madaxweynaha JDS lambar 32 taariikh 29
Luulyo 1984 Xeer Nidaamiyaha Kulliyadda Cu-
luunta Siyaasadda.

MADAXWEYNAYA JDS

MARKUU ARKAY: Sharciga tirsigiisu yahay 48 ee
22.7.82;

MARKUU ARKAY: Baahida loo qabo in loo dejiyo
Xeer-nidaamiye Sharciga lagu dhisay Kulliyadda
Cu'luunta Siyaasadda;

MARKUU ARKAY: Talo soo jeedinta Golaha Dhexe
XHKS;

MARKUU TIXGELIYAY: Talada Wasiirka Hiddaha
iyo Tacliinta Sare;

WUXUU SOO SAARAYAA

Xeer-nidaamiyaha soo socda:

QEYBTA KOOWAAD

FASIRAAD

Qodobka laad

FAAHFAAHIN

Haddii aan si kale loogu macnayn Xeer-nidaami-
yahan, erayada hoos ku qoran waxaa loola jeedaa si-
da mid kasta ku hor qoran:-

XISBIGA: Xisbiga Hanti-wadaagga Kacaanka Soo-
maaliyeed;

JAAMACADDA: Jaamacadda Ummadda Soomaali-
yeed;

W A A X: Waxay la meel joogtaa marka la eego
qaabka Jaamacadda Qeyb;

Q E Y B: Waxay la meel joogtaa marka la eego
qaabka Jaamacadda Waax;

SHARCIGA JAAMACADDA: Sharciga Jaamacadda

Ummadda Soomaaliyeed; lambar 72 ee 7da Sitembar 1977;

XEERKA JAAMACADDA: Xeerka Madaxweynaha JDS lambar 93 ee 7da Sitembar 1977;

QEYBTA LABAAD

XARUNTA ASTAANTA IYO ILAALINTA GUUD EE KULLIYADDA

Qodobka 2aad

XARUNTA KULLIYADDA

1. Xarunta Kulliyaddu waxay ahaan doontaa Muqdiso.
2. Kulliyaddu waxay ku lahaan kartaa Macaahid iyo dugsiyo meel kasta oo dalka ka mid ah, marka la dareemo in baahi loo qabo, awoodduna u oggolaato.

Qodobka 3aad

ASTAANTA IYO AFKA WAXBARASHO EE KULLIYADDA

1. Kulliyaddu waxay yeelanaysaa astaan caan ah oo loo ekeysiinayo sida uu gooyo Guddiga Kulliyaddu.
2. Afka rasmiga ee Waxbarashada Kulliyaddu waa afka Soomaaliga.

Qodobka 4aad

ILAALINTA GUUD EE KULLIYADDA

1. Ilaalinta Guud ee Kulliyadda waxaa yeelanaya Guddiga Siyaasadda ee Golaha Dhexe XHKS.
2. Guddiga Siyaasadda ee Golaha Dhexe XHKS wuxuu u wakiilan karaa xilka ka saaran Kulliyadda Culunnta Siyaasadda Hoggaanka Golaha Dhexe ee ku habboon.

Qodobka 5aad

MAAMULKA IYO WAXBARASHADA KULLIYADDA

1. Iyadoo wax loo dhimeyn tilmaamaha qodobka 4aad, waxbarashada Kulliyaddu waxay hoos imaanseysaa Jaamacadda.
2. Maamulka kale sida hoyga, quudka iyo iwm wuxuu hoos imaanayaa Xisbiga.

QEYBTA SADDEXAAD

XUBNAHA KULLIYADDA

Qodobka 6aad

BUXNAHA KULLIYADDA

Dhismaha Guud ee Kulliyaddu wuxuu noqonayaa qaabka hoos ku qoran:-

- b) Guddiga Kulliyadda;
- t) Hormuud;
- j) Hormuud ku-xigeen;
- x) Waax;
- kh) Qeyb.

Qodobka 7aad

GUDDIGA KULLIYADDA

1. Kulliyaddu waxay yeelanaysaa Guddi ka kooban:-
 - b) Hormuudka Kulliyadda — Guddoomiye
 - t) Hormuud ku-xigeenka — X u b i n
 - j) Madaxda Waaxyaha »
 - x) Madaxda Qeybaha »
 - kh) Labo xubnood oo ka tirsan Shaqaalaha Waxbarashada oo sanad walba la soo doorto.
 - d) Kaaliyaha Diiwaan-hayaha oo Xogħaya ka ah shirka oo aan cod ku lahayn.

- r) Kaaliyaha Buug Xannaaneeyaha.
 - s) Arday ka wakiil ah Guddiga ardayda Kulliyadda.
 - sh) Guddoomiyaha Guddiga Shaqaalaha Kulliyadda.
2. Haddii uu Hormuudku shirka ka maqnaado waxaa beddelaya Hormuud ku-xigeenka.
 3. Haddii uu shirka ka maqnaado Kaaliyaha Diiwaanhayaha waxaa hawshiisa fulinaya Buug Xannaaneeyaha.

Qodobka 8aad

XILKA GUDDIGA KULLIYADDA

Xilka Guddiga Kulliyaddu waa:-

1. Fulinta siyaasadda Waxbarashada Kulliyadda iyo go'aannada Xisbiga iyo Dawladda.
2. Inuu qorsheeyo, soona diyaariyo qorshaha deeq waxbarasho iyo siminaarrada Macallimiinta Kulliyadda.
3. Inuu soo qorsheeyo Miisaaniyadda Kulliyadda ee sannadka.
4. Inuu dhiiri-geliyo horumarinta hawlaha cilmi baarista sida: buug-dejinta, tarjumidda, sahan cilmiyeedka, kharajyada looga baahan yahayna ku talo galo.
5. Inuu ka doodo, falanqeeyo wax ka beddelidda iyo wax ku daridda barnaamijka guud ee waxbarashada.

Qodobka 9aad

HORMUUDKA KULLIYADDA

1. Hormuudka Kulliyadda waxaa magacaaba, casila Guddiga Siyaasadda, isagoo dhegeystay talada Golaha Hoggaamada iyo soo jeedinta Hoggaanka

- u xil saaran iyo Rektarka Jaamacadda.
2. Qofka jagadaas loo xil saarayo waa in laga xulaa Barfasoorrada, Barayaasha Sare iyo Barayaasha Kulliyadda, wuxuuna xilka haynayaa muddo labo sano ah oo loo cusbooneyn karo.

Qodobka 10aad

CASILAADDA HORMUUDKA

Hormuudka Kulliyadda waxaa laga qaadi karaa Xafiiskiisa haddii ay dhacaan arrimaha soo socda:-

- a) Ku dhaqan xumo Xafiiseed;
- b) Maxkamadda oo ku caddeysay jariimad uu galay;
- c) Xilkiisa oo uu ka soo bixi waayo;
- d) Dhimmirkiisa oo wax u dhimmaan, guddi takaatiir ah oo arrimahaas ku shaqo lehna si-daas caddeeyo.

Qodobka 11aad

HAWLAHA HORMUUDKA KULLIYADDA

- 1. Hormuudka Kulliyadda oo mas'uul uga ah arrimaha Kulliyadda xag tacliimeed iyo xag maamul, Rektarka Jaamacadda iyo Hoggaanka u xil saaran ee Golaha Dhexe XHKS, waxay hawshiisu tahay, fulinta siyaasadda waxbarashada iyo siyasadhihi kale ee loo dejiyo Kulliyadda.
- 2. Hawshiisu waa kuwa ku tilmaaman qodobka 27aad ee Sharciga Jaamacadda.
- 3. Wuxuu Kulliyadda u masalaa isagoo mar kasta oggolaansho ka haysta Hoggaanka u xil-saaran ee Golaha Dhexe XHKS iyo Rektarka Jaamacadda arrimaha la xiriira heshiisyada Kulliyaddu dhinac ka tahay.

Qodobka 12aad

HORMUUD KU-XIGEENKA KULLIYADDA

1. Kulliyaddu waxay yeelaneysaa Hormuud Ku-xigeen, waxaana magacaaba Guddiga Siyaasadda, isagoo dhegeysta talada Golaha Hoggaamada iyo soo jeedinta Rektarka Jaamacadda iyo Hormuudka Kulliyadda.
2. Qofka loo magacaabayo xiikaas waa inuu leeyahay aqoon sare iyo waaya-aragnimo maamul.

Qodobka 13aad

KU-SIME HORMUUD

Haddii ay Hormuudka Kulliyadda ay la soo gudboonaato maqnaasho gaaban ama sabab kaloo iska hor-taagto hawshiisa caadiga ah, waxaa xilkiisa fulinaya Hormuud Ku-xigeenka.

Qodobka 14aad

MADAXDA WAAXYAHA IYO QEYBAHAA

1. Madaxda Waaxyaha iyo Qeybaha ee waxburidda waxaa magacaabaya Rektarka Jaamacadda oo dhegeystay ra'yiga Guddiga Kulliyadda.
2. Madaxda Waaxyaha iyo Qeybaha ee Maamulka waxaa magacaabaya Guddiga Qaabka, iyo Meeleynta ee Golaha Dhexe XHKS oo dhegeystay Ra'yiga Hoggaanka u xil-saaran ee Golaha Dhexe XHKS.
3. Dhammaan Waaxyaha Kulliyadda waxaa ka mas'uul noqonaya xubno ka mid ah Macallimiinta Kulliyadda.

QEYBTA AFARAAD

QAADASHADA ARDAYDA CUSUB EE KULLIYADDA

Qodobka 15aad

HABKA QAADASHADA ARDAYDA

1. Soo gelitaanka Kulliyadda waxaa soo qorsheeyaa, soona abaabula Guddiga Siyaasadda, isagoo dheyystay talada Golaha Hoggaamada.
2. Dokumintiga ardayda cusub waa in la gaarsiiyaa bil **ka** hor bilawga sanad tacliimeedka diiwaanhayaha Guud ee Jaamacadda.

Qodobka 16aad

SHURUUDAH A GELIDDA KULLIYADDA

Shuruudaha gelidda Kulliyadda waa sida hoos ku **qoran**:-

1. Haysasho Shahaado Dugsi Sare ama mid u dhi-ganta;
2. Inuu yahay Soomaali;
3. Inuu yahay Xubin Xisbi ama Xubin Ururro Bulsho;
4. Inuu halgan taxana ah oo shan sano ka soo waday Xisbiga, Dawladda ama Ururrada Bulshada;
5. Inuusan ka yarayn labaatan sano;
6. Inuu caafimaad qabo, lixaadkiisuna dhan yahay;
7. Inuu heysto warqadda dhalashada iyo midda sug-naanta.

Qodobka 17aad

KA CAFIN SHURUUDAH SOO GELIDDA KULLIYADDA

1. Kulliyaddu waxay qaadan kartaa arday shisheeye oo marnaba tiradoodu ka badnaan karin shan meelood meel tirada ardayda sanadkaas Kulliyadda loo qaadanayo.

2. Ardayda Shisheeyaha ah waa laga cafin karaa shuruudaha ku tilmaaman qodebka 17aad, marka laga reebo shahaadada dugsiga sare ama mid u dhiganta.

Qodobka 18aad

REEBBANAASHO BEDDAALASHO KULLIYADEED
Ardayga Kulliyadda waa ka reebban tahay inuu u beddesho Kulliyad kale.

Qodobka 19aad

SABABAHA XEENI KARA JIITANKA WAXBARA SHADA KULLIYADDA

Ardayna iskiis uma goyn karo waxbarashada Kuliyadda haddii ayna dhicin sababaha soo socda:-

- b) Ka saarid xubinnimada Xisbiga iyo Ururro Bulsho;
- t) Jirro uu caddeeyo guddi dhakhaatiir ah oo waxbarashadiisa inuu sii wato umasaabaxayn.
- j) Dhibaato qoys oo u suurto-gelineyn inuu sii wato waxbarashadiisa, Guddiga Kulliyadduna hubsaday, kana garaabay;
- x) Wixii sababo lama filaan ah oo culayskooda loo arko inay joojin karaan waxbarashadiisa;
- kh) Go'aanka ka joojinta waxbarashada ee xarfa-ha kor ku xusan waxaa wadajir u leh Hoggaanka Golaha Dhexe XHKS wakiishay iyo Rektarka Jaamacadda, go'aankuna waa kama dambeys.

QEYBTA SHANAAD
HABKA WAXBARASHADA KULLIYADDA

Qodobka 20aad

HABKA WAXBARASHADA KULLIYADDA

1. Wixii ku saabsan sanad-tacliimeedka, habka imtixaanka, raacidda casharrada ee Kulliyadda waxaa lagu dhaqayaa sida ku tilmaaman qaybta shanaad ee Sharciga Jaamacadda.
2. Sidoo kale waxay qiimeynta shahaadada iyo sida loo maamulo ma-gudbayaasha imtixaanaadka kala mid tahay Kulliyadaha kale ee Jaamacadda.

Qodobka 21aad

IMTIXAANKA HORDHACA QALIN-JEBINTA

1. Kulliyadda waxaa u sii jiraya imtixaanka hordhaca ah qalin-jebinta (Preluarea) ilaa barnaamijka Waxbarashada dib loogu habeeyo, lana arko inaan loo baahnayn sii jiritaanka imtixaankaas.
2. Ardaygii aan gudbin imtixaanka hordhaca qalin-jebinta uma fariisan karo doodda qalin-jebinta.
3. Ardaygii ku dhaca doodda qalin-jebinta, Guddiga Kulliyadda ayaa u qabanaya muddo aan saddex bilood ka yarayn, kana badnayn lix bilood.
4. Ardaygii ku dhaca hordhaca qalin-jebinta (Pre-lourea) hal maaddo, waxaa la siinayaa muddo aan ka badnayn bil inuu ku soo diyaariyo maaddaadas.
5. Ardaygii labo maaddo ku dhaca imtixaanka hordhaca qalin-jebinta waxaa loo qabanayaa muddo dambe, ugu yaraan saddex bilood, ugu badnaanna xilliga kaas ku xiga dhammaadkiisa. Haddii marka dambe u suuro-gelin waydo inuu gudbo, wuxuu

dib ugu noqonayaa sanadka waxbarashada oo kaas ku xiga.

6. Haddii sanadka loo oggolaaday ardaygu ka faa'ii-deysan waayo inuu kaga gudbo imtixaankaas, waa laga joojinayaan waxbarashada Kulliyadda.

QEYBTA LIXAAD

ASLUUBTA ARDADA IYO SHAQAALAHAA KULLIYADA

Qodobka 22aad

GUDDIGA ASLUUBTA EE KULLIYADDA

Ardada Kulliyadda waxaa tallaabo asluubeed ka qaadi kara Guddiga Kulliyadda oo noqonaya Guddiga Asluubta.

Qodobka 23aad

AWOODDA GUDDIGA ASLUUBTA EE KULLIYADDA

Guddiga Asluubta ee Kulliyaddu wuxuu ardada ka qaadi karaa tillaaboo yinka asluubeed ee hoos ku qoran:-

- b) Canaan qoraal ah;
- t) Digniin qoraal ah;
- j) Ka joojin waxbarashada Kulliyadda muddo aan ka badnayn xilli;
- x) Magdhaw waxyeellada ardaygu u geysto hantida Kulliyadda;
- kh) Ka joojin imtixaanka xilliga;
- d) Ka joojin waxbarashada Kulliyadda muddo aan ka badnayn sanad tacliimeedka;
- r) Ka raacdary Kulliyadda.

Go'aankaas waxaa Rafcaan looga qaadan karaa Qaabka ku tilmaaman Xeerka Jaamacadda Guddiga Sare ee Maamulka Kulliyadda.

Qodobka 24aad

FALAAD-XUMIDA IYO CIQAABAHA

Guddiga Kulliyaddu wuxuu ciqaabaha ku xusan qodobka 23aad ee xeerka ugu qaadayaa ardayga sida hees ku qoran, haddaan falaad-xumadiisu keenayn dembi ka culus:-

1. Ciqaabaha ku sheegan (b) iyo (t) ee qodobka 23aad, waxaa lagu qaadi karaa ardaygii:-
 - i) Casharrada ka maqnaada laba saac oo xiriir ah, sababa waafi ahna keeni waaya;
 - ii) Ka qeyb geli waaya hawlaha tacliinta la xiriira iyo kuwa kale ee Kulliyaddu qaban-qaabiso, lagana doonayo inuu ka qeyb qaato;
 - iii) Saacadaha cashar-qaadashada haddii uu soo qaato dhar aan ahayn kii Kulliyadda.
2. Ciqaabta ku sheegan xarafka (j) ee qodobka 23aad, waxaa lagu qaadi:-
 - b) Ardaygii muujiya caajisnimo cad;
 - t) Ku marti geliya Kulliyadda dad aan joogitaankooda oggoleyn Xeerka Kulliyadda iyo Jaamacadda u degsan;
 - j) Wareejiya, lumiya ama halleeya xaashiyaha rasmiga ah ee Kulliyadda ama Jaamacadda, isagoo lagu aaminay, ama si kale ku soo gareen;
 - x) Abaabula, hoggaamiya ama ka qeyb gala dhaqdhaqaaq waxyeellaynaya nolosha tacliinta, ama tan bulshada ee Kulliyadda ama Jaamacadda oo dhan;
 - kh) Geli waaya imtixaanka isagoo keenin sabab waafi ah.

3. Magdhawga hantida Kulliyadda waxyellada loo geysto waxaa la warsanayaa arday **kasta oo dhibaato** gaarsiiya qatab ka mid ah hantida **Kulliyadda**.
4. Cigaabta ku sheegan xarafka (kh) ee **qodobka 23aad** waxaa lagu xukumi karaa ardaygii:-
 - i) Ka sco bixi waaya shuruudaha **waxbarashada** ee loo qarriray;
 - ii) Xada, qiyaana ama ku hela **si aan sharci ahayna** warqadaha imtixaanka.
5. Cigaabta ku sheegan xarafka (d) ee **qodobka 23aad**, ee Xeerkhan waxaa lagu **qaadi karaa**:-
 - i) Ardaygii ku gala imtixaanka magac **aan ahayna** kan ku sajilan imtixaanka;
 - ii) Dib u gala dambiyada ku sheegan **xarafaha b, t, j, x**, ee qodobka **23aad** ee **Xeerkhan**.
6. Cigaabta ku sheegan xarafka (r) ee qodobka **23aad** ee Xeerkhan waxaa lagu **qaadi karaa ardaygii**:-
 - b) Maxkamadi go'aan kama dambeys ah ka gaarto jariimada uu galay awgeed, **cigaabteeduna** ka yarayn saddex sano oo **xarig ah**;
 - t) Ku kaca fal ama falal Guddigu u **aqoonseado** inuu yahay fawaaxish (Scandal);
 - j) Ku kaca arrimo ka soo horjeeda **ujeeddooyinka** iyo himilooyinka Kulliyadda, **si suganna loogu** soo caddeeyo.
7. Ardaygii ku kaca fal ama falal Guddiga ugu muu-qata inay yihiin dembiyo aan Xeerkani **xusayn** ama nidaam hoose u goyn cigaab, waxaa lagu **qaadi karaa ciqaabaadkii** kale oo Guddiga **ugula muu-qato** inay ku qalmaan dembiga **ardaygu galay**.

QEYBTA TODDOBAAD
HAWL-WADEENNADA KULLIYADDA.

Qodobka 25aad

HAWL-HADEENNADA KULLIYADDA

Hawl-wadeennada Kulliyadda waxay ka kooban yihiin hawl-wadeennada waxbarashada, kuwa ciimibaarista, hawl-wadeennada maamulka iyo dhammaan dadka kale ee hawlo joogto ah ka haya Kulliyadda.

Qodobka 26aad

MAGACAABIDDA HAWL-WADEENNADA MAAMULKA IYO WAXBARIDDA KULLIYADDA

Magacaabidda hawl-wadeennada Maamulka iyo kuwa waxbaridda ee Kulliyadda waxaa too muayaa habka u degsan Xisbiga iyo Jaamacadda.

Qodobka 27aad

MUSHAAARKA IYO GUNNOOYINKA HAWL-WADEENNADA KULLIYADDA

1. Mushaarka iyo gunnooyinka hawl-wadeennada waxbaridda waxay waafaqsan yihiin Xeerka iyo Nidaamka u degsan Jaamacadda Ummadda.
2. Mushaarka iyo gunnooyinka hawl-wadeennada kale ee Kulliyadda waxay la mid yihiin hawl-wadeennada Xisbiga.
3. Hormuudka, Hormuud Ku-xigeenka, Madaxda Waaxyaha iyo Qeybaha ee Kulliyaddu waxay loe yihiin gunno xil ku siin (Monthly post allowance) bishiiba oo u dheer mushaarooyinka iyo gunnooyinka ay ku qaadan jireen jagooyinka waxbaridda ee ay ka shaqayn jireen magacaabidda ka hore.

4. Gunnooyinka ku xusan lambarka hore ee qodobkan waxay la mid yihiin kuwa Kulliyadaha kale ee Jaamacadda, waxayna ku cad yihiin Xeerka Jaamacadda.

Qodobka 28aad

SHAQAALAHADHADA WAXBARIDDA

Hawl-wadeennada waxbaridda ce Kulliyadda waa loo yaqaan xubnaha soo socda:-

1. Hormuud;
2. Hormuud Ku-xigeen;
3. Madaxda Waaxyaha;
4. Madaxda Qeybaha (soo maray Macalliniimada);
5. Macallimiinta casharrada ka bix sa Kulliyadda;
6. Ci'd kasta oo loo xil-saaro hawlo cilmi-baaris;
7. Qof kasta oo loo dhiibo jago oo Guddiga Waxbaradu u aqoonsan yahay jago waxbarid (Academic Post).

Qodobka 29aad

JAGOYINKA SHAQAALAHADHADA WAXBAIIDDA

1. Jagooinka hawl-wadeennada waxbaridda ee Kuliyaddu waxay noqonayaan sida soo socota:-
 - a) Borofeesor (Professor)
 - b) Bare Sare (Senior Lecturer)
 - c) Bare (Lecturer)
 - d) Bare Kaaliye (Assistanta Lealurer).
2. Shuruudaha magacaabidda, u beddelashada jago iyo dallacsiinta hawl-wadeennada waxbaridda oo ku xusan xubinta sare ee qodobkan waxaa la waa-fajinaya Sharciga Jaamacadda Ummadda.

Qodobka 30aad

XULKA HAWL-WADEENNADA KULLIYADDA

Qofka loo qaadanayo, lagu wareejinayo ama loo

- dallacsiinayo inuu macalin ka noqdo Kulliyadda-
- b) Waa inuu haysataa shahaado Jaamacadeed oo la aqoonsan yahay;
 - t) Waa inuu oofiyaa shuruudaha waaya-aragnimo iyo kuwa kale oo looga baahdo sida ku cad sharciga Jaamacadda Ummadda.

Qodobka 31aad

MAGACAABIDDA, DALLACSIINTA SHAQAALAHIA
KULLIYADDA

- 1. Shaqaalaha waxbaridda magacaabiddooda, dallaciintooda waxaa iska leh Rektarka Jaamacadda Ummadda, isagoo ka talo qaadanaya Hoggaanka Guddiga Siyaasadda ee Golaha Dhexe XHKS u wakiishay.
- 2. Magacaabidda iyo dallaciinta shaqaalaha ka'le ce Kulliyadda waxaa iska leh Xisbiga.
- 3. Xisbigu wuxuu awood u leeyahay isagoo mar kasta tixgelinaya talada Rektarka Jaamacadda in qof ka mid ah Shaqaalaha waxbaridda ee Kulliyadda uu u magacaabo xil kale, hase yeeshii markii uu dib ugu soo laabto hawshiisi Kulliyaddu wuxuu kala qabsanayaa halkii uu kaga tegay.

Qodobka 32aad

ASLUUBTA SHAQAALAHIA KULLIYADDA

- 1. Gefka ay galaan shaqaalaha waxbaridda ee Kulliyadda waxaa tallaabo ka qaadiddooda iska leh Rektarka Jaamacadda iyo Hoggaanka Guddiga Siyaasadda ee Golaha Dhexe XHKS u wakiishay.
- 2. Shaqaalaha kale waxaa tallaabo ka qaadiddooda iska leh Xisbiga oo dhegeystay ra'yiga Hormuudka Kulliyadda.

QEYBTA SIDDEEDAAD

MAALIYADDA KULLIYADDA

Qodobka 33aad

MIISAANIYADDA KULLIYADDA

Kulliyaddu waxay yeelaneysaa Miisaaniyad u gaar ah oo hoos timaadda maamulkeeda sanadkiiba. Miisaaniyadda waxaa soo dlyaariya Guddiga Kulliyadda, waxaana oggolaada Guddigā S yaasadda, isagoo dhegeystay Golaha Hoggaamada.

Qodobka 34aad

ILAHA MAALIYADDA KULLIYADDA

Kulliyadda waxaa maaliyaddu ka soo geli kartaa:-

- b) Miisaaniyad Xisbigu sanad walba u jaan-gooyo;
- t) Deeq Jaamacadda Ummaddu u fidiso;
- j) Deeq Xisbi kale, dawlaa, wakau'ado, Jaamacado iyo Machadyo ajnabi ah u fidiyaan, taasoo ku xirneyn shuruud.

QEYBTASAGAALAAD

QODOBBO KAMA DAMBEYS AH

Qodobka 35aad

ARRIMAHA WAXBARASHADA EE KULLIYADDA

Arrimaha waxbarasho oo aan si cad ugu xusnayn

Qodobka 36aad

DHAQAN — GAL

Xeer Nidaamiyahan waxaa lagu nidaaminayaa Shar-ciga iyo Xeerka Jaamacadda Ummadda.

Xeer Nidaamiyahan wuxuu dhaqan gelayaa mar-ka lagu soo saaro Faafinta Rasmiga ah ee Jamhuu-riyadda.

Muqdisho, 29 Lug. 1984

MADAXWEYNAHA J.D.S,

NAADO DHUL
DAWLADDA HOOSE EE MUQDISHO

Waxaa la caddeynayaa in Jaalle Cabdulqaadir Ma
xamed Nuur Guuleed uu u soo qortay arji Waaxda dhul
ka Rasmiga ah ee Dawladda hoose ee Muqdisho maa in
tii taariikhdu ahayd 16.5.84 uu ku weydiistay gabal dhul
dawladeed ah oo ku yaal Muqdisho Deg H/Wadlaan
Qaabkiisu yahay Rettangolare Addimhiisu ta yihin
30X10 kuna fadhiya 300 MDH.—

SOOHDIMIHSUNA YIILIN S.DA HOOS KU QORAN

Waqooyi Waxaa ka xiga: Dhul dad

Koonfur Waxaa ka xiga: Dugsi

Galbeed Waxaa ka xiga: Dhul dad

B a r i Waxaa ka xiga: Dhulkiisii Hore

Qofkii daneynaaya dhulkaa wuxuu si fiican uga ar-
ki karaa Naqshada dhulka oo taal Waaxda dhulka Ras-
miga ah ee D/Hoose Xamar, waxaana laga doodi karaa
muddo (30) Sodon maalmood ah laga b'laabo maalinca
lagu soo qoro Faafinta sharciga Rasmiga ah,

Muqdisho, 4. Luulyo 1984 —

AGAASIMAHA WAAXDA M. DHULKA EE D/HOOSE
Jeom. Maxamed Cabdi Cisinaan

DAWLADDA HOOSE EE MUQDISHO

NAADO DHUL

Waxaa la caddeynayaa in J/le Mire Awaaro Jaamac uu u soo qortay arji Waaxda dhulka Rasmiga ah ee D/Hoose ee Muqdisho maalintii taariikhdu ahayd 9.4.84 uu kuweydiistay gabal dhul dawladeed ah oo ku yaal Muqdisho Deg. Hodon Qaabkiisu yahay Afar Gees islaeg Addimihiisuna yihiin 30X30 kuna fadhiya 900 M.

SOOHDMIHIISUNA YIHIIN SIDA HOOS KU QORAN:

Waqooyi Waxaa ka xiga: Waddo

Koonfur Waxaa ka xiga: Dhul dad

Galbeed Waxaa ka xiga: Dhul dad

B a r i Waxaa ka xiga: Dhul dad

Qofkii daneynaaya dhulkaa wuxuu si fiican uga arkii kamaa Naasha lla dhulka oo taal Waaxda dhulka Rasmiga ah ee D/Hoose Xamar, waxaana laga doodi karaa muddo (30) Sodon maalmood ah laga bilaabo maalinta lagu soo qoro Faafinta sharciga Rasmiga ah,

Muqdisho, 4. Luulyo 1984.—

AGAASIMAH AWAAXDA M. DHULKA EE D/HOOSE

Jeom. Maxamed Cabdi Cismaan

L. 260

DAWLADDA HOOSE EE MUQDISHO
NAADO DHUL

Waxaa la caddeynayaa in Jaalle Indhadeeq Cali Maxamed iyo Luul Maxamed Bare uu u soo qortay arji Waaxda dhuika Rasmiga ah ee D/Hoose ee Muqdisho maalintii taariikhdu ahayd 19.3.84 uu ku weydiistay gabal dhul dawladeed ah oo ku yaal Muqdisho Deg. Jid ka Xamar Afgooye Qaabkiisu yahay Rettangolare Ad-dimhiisuna yhiin 170X150 kuna fadhiya 25,500 MDH.

Waqooyi Waxaa ka xiga: Dhul dad

Koonfur Waxaa ka xiga: Cabdulqadir M. Nuur

Galbeed Waxaa ka xiga: Dhul dad

B a r i Waxaa ka xiga: Dhul dad

Qofkii daneeynaaya dhulkaa wuxuu si fiican uga arki karaa Naqshadda dhulka oo taal Waaxda dhulka Rasmiga ah ee D/Hoose Xamar, waxaana laga doodi karaa muddo (30) Sodon maalmood ah laga bilaabo maalinta lagu soo qoro Faafinta sharciga Rasmiga ah,

Muqdisho, 4. Luulyo 1984.—

AGAASIMAHA WAAXDA M. DHULKA EE D/HOOSE

L. 261

Jeom. Maxamed Cabdi Cismaan

MAXKAMADDA GOBOLKA BANAADIR
GUDDOMIYAH MGB

HADDUU ARKAY: Dacwadda kor ku qoran;

HADDUU ARKAY: In Jeeg War. dhumay co lambar-
kiisu ahaa 51948 lagana soo saaray Bankiga Ga-
nacsiga iyo Keydka Soomaaliyeed Laanta War-
dhiigley kuna qoran lacag dhan Sh.So. 100.000/=
iskalahaa Jaalle Cabdi Cusmaan Saciid sida ku
cad warqadda lambarkeedu 333 taariikhdeedu
14.8.84 ee Bankiga Ganacsiga iyo Keydka Soomaal-
Iyeed Laanta Wardhiiglay;

HADDUU ARKAY: Qod. 69 sharciga lam. 2 ee 9.9.65.

WUXUU XE)RIYEY

In la baabi'yo (Ammortamento) Jeegga Wareega
lam. 51948 oo ku qoran Jaalle Cabdi Cusmaan Saciid
ayna ku jirto Sh.So. 100.000/=.

WUXUU FARAYAA

In Bangig Ganacsiga iyo Keydka Laanta Wardhiig
lay u badalo Cabdi Cusmaan Siciid Jeeg War. co kor ku
tilmaaman una sameeyo mid la mid ah kadib markey
ka soo wareegto muddo aan ka yareyn 15 maalmood
maalinta Go'aanka lagu daabaco Faafinta Rasmiga ah
ee JDS, haddii inta ka horeysa aan wax ishortaag ah
laga keenin.

Muqdisho, 14.8.84

GUDDOMIYAH MGB

Dr. Cabdullaahi Maxamed Maax

MAXKAMADDA GOBOLKA BANAADIR
GUDDOMIYAH MGB

HADDUU ARKAY: Dacwadda kor ku qoran;

HADDUU ARKAY: In Jeeg War. Dhumay oo lambar-
kiisu ahay 573050 lagana soo saaray Bankiga Ga-
nacsiga iyo Keydka Soomaaliyed Laanta Koo-
waad kuna qoran lacag dhan Sh. So. 20.000/= uu
iska lahaa Xasan Saalax Ismaaciil sida ku iad war-
qadda Lamb. 0653 taariikhdeedu 16.8.84 ee Bankiga
Ganacsiga Soomaaliyed
Laanta Koowaad;

HADDUU ARKAY: Qod. 6x Sharciga lam. 2 ee 9.9.65.

WUXUU XEERIYHEY

In la baabi'yo (Ammortamento) Jeeg War. lam.
573050 oo ku qoran Xasan Saalax Ismaacil ayna kū
jirto Sh. So. 20.000/=.

WUXUU FARAYAA

In Bankiga Ganacsiga iyo Keydka Laanta Koo-
waad u badalo Jeeg War. lumay ee kor ku tilmaaman
una sameeyo mid la mid ah kadib markey ka soo wa-
reegto muddo aan ka yarayn 15 maalmood maalinta
Go'aanka lagu daabaco Faafinta Rasmiga ah ee JDS.
haddii inta ka horaysa aan wax ishortaag ah laga
keenin.

Muqdisho, 17.8.84

GUDDOMIYAH MGB

Dr. Cabdullaahi Maxamed Maax

MAXKAMADDA G. BANAADIR

GUDDOOMIYAH MGB

HADDUU ARKAY: Dacwadda kör ku qoran;

HADDUU ARKAY: In Jeeg, War. dhumay oo lambar-
kiisu ahay 573060 lagana soo saaray Bankiga Ga-
nacsiga iyo Keydka Laanta Koowaad kuna qoran
lacak dhan Sh. So. 20.000/= uu iskalahaa Jaalle
Xuseen Saalax Ismaaciil sida ku cad warqadda la-
mbarkeedu 0653 taariikhdeedu 16.8.84 ee Bankiga
Ganacsiga iyo Keydka Soomaaliyeed.

MARKUU ARKAY: Qodobka 69 Jr. 9.9.65 lumid Jeeg-

WUXUU XEERIYEY

In la baabi'yo (Ammortamento) Jeeg Dhumay
lam. 573060 oo ku qoran Xuseen Sáalax Ismaaciil ayna
ku jirto Sh. So. 20.000/=.

WUXUU FASAXAY

In Bankiga Ganacsiga iyo Keydka Laanta Koo-
waad u badalo Jeegga Wareega ee kör ku tilmaaman
una sameeyo mid la mid ah kadib markey ka soo wa-
reegto muddo aan ka yareyn 15 maalmood maalinta
Go'aanka lagu daabaco Faafinta Rasmiga ah ee JDS,
haddii inta ka horeysa aan wax ishortaag ah laga kee-
nin.

Muqdisho, 18.8.84

GUDDOOMIYAH MGB

Dr. Cabdullaahi Maxamed Maax

MAXKAMADDA GOBOLKA BANAADIR

GUDDOOMIYAH MGB

HADDUU ARKAY: Dacwadda kor ku qoran;

HADDUU ARKAY: In Jeeg War. dhumay oo lambar-kiisu ahaa 319160 lagana soo saaray Bankiga Ganacsiga iyo Keydka Soomaaliyeed laanta Jamaame kuna qoran lacag dhan Sh.So. 20,000 uu iska lahaa Jaalle Cali Xaaaji Faqoow sida ku cad war-qadda lambarkeedu 009620 taariikhdeedu 18.8.84 ee Bankiga Ganacsiga iyo Keydka Soomaaliyeed Laanta Xis-Guud;

HADDUU ARKAY: Qod.69 sharciga lam. 2 ee 9.9.65.

WUXUU XEERIYEY

In la baabi'yo (Ammortamento) Jeeg War. lam. 319160 oo ku qoran Jaalle Cali Xaaaji Faqoow ayna ku jirto Sh.So. 20.000/=.

WUXUU FARAYAA

In Bankiga Ganacsiga iyo Keydka Laanta Xis-Guud u badalo Jeegga Wareega ee kor ku tilmaaman una sameeyo mid la mid ah kadib markey ka soo wa-reegto muddo aan ka yareyn 15 maalmood maalinta Go'aanka lagu daabaco Faafinta Rasmiga ah ee JDS, haddii inta ka horeysa aan wax ishortaag ah laga keenin.

Muqdisho, 18.8.84

GUDDOOMIYAH MGB

Dr. Cabdullaahi Maxamed Maax

MAXKAMADDA GOBOLKA TOGDHEER

UJ: FAAFIN JEEGGA WAREEGA L. 405612:

(Guddoomiyaha Maxkamadda G. Togdheer Burco)

MARKUU ARKAY: Dacwadda ku saabsan Jeeg Lu-may;

MARKUU ARKAY: Ogaysiista Bangiga Ganacsiga Kaydka Laanta Burco;

HADDUU ARKAY Qod. 69 Sharciga lam. 2 ee 9.9.65.

Jeegga Wareega ee ku qoran Jaalle Caasha Aw Axmed Cigaal kuna qoran lacag dhan 20.000/=.

(WUXUU GO'AAMIYNEY)

In loo Cusbooneysiyo Jeegaas Wareega Jaallaha Caasha Aw Axmed Cigaal markay ka soo wareegto inuddo 20 casho ah gudahood laguna sharciyo Faafinta Rasmiga ah ee Dawladda.

In Jeegga Cusub ee la sameyn doono gacanta laga saaro Jaalle Caasha Aw Axmed Cigaal, iyadoo la su-gayo mudadda kor ku xusan.

GUDDOOMEYAH A MAXKAMADDA G. TOGDHEER
(Dr. Cabduraxmaan Sh. Maxamed

(Xaliimo X. Cabdi Aadan) «Tanza'nia»

Kaaliyaha Max. G. Tog. Burco

Burco, 31.7.1984

MAXKAMADDA GOBOLKA BANAADIR

GUDDOOMIYAH MGB

HADDUU ARKAY: Dacwadda kor ku qoran:

HADDUU ARKAY: In Buug Kayd dhumay oo lambar
kiisu ahaa 7916 laga soo saaray Bangiga Ganacsiga iyo Keydka Soomaaliyeed Laanta Koowaad kuna qoran lacag dhan Sh.So. 1750.000,55/= uu is-kalahaa Jaalle Shukri Raabi Aadan sida ku cad warqadda lambarkeedu yahay 0644 taariikhdeedu-na tahay 13.8.84 ee Bangiga Ganacsiga iyo Kaydka Soomaaliyeed Laanta Koowaad.

WUXUU XEERIYEEY

In la baabi'yo (Ammortamento) Buug Kayd Lam 7916 oo ku qoran Magaca Shukri Raabi Aadan yana ku jirto Sh.So. 175.000,55=.

WUXUU FARAYAA

In Bangiga Ganacsiga iyo Keydka Soomaaliyeed Laanta Koowaad u badalo Buugga Kaydka, ee kor ku tilmaaman una sameeyo mid la mid ah kadib markay ka soo wareegto muddo aan ka yareyn 30 maal mood maalinta Go'aanka lagu daabaco Faafinta Rasmiga ee haddii inta ko horaysa aan wax is hortaag ah la-

MIYAH MGB

Dr. Cabdullaahi Maxamed Maax

MAXKAMADDA GOBOLKA SANAAG CAYRIGAABO
LUMID JEEG WAREEGA L. 386124

Guddoomiyaha Max/da Gobolka Sanaag Cayrigaabo

MARKUU ARKAY: Dacwadda Kor ku qoran.

MARKUU ARKAY: In Jeeg Lumay oo Lambarkiisu
yahay 386124 kana soo baxday Bankiga Ganacsiga
iyo Keydka Soomaaliyeed laanta Cayrigaabo, ee
Gobolka Sanaag kuna qoran tahay lacag dhan
20.000 uuna lahaa Jaalle Cabdulaahi Aadan Max/ed
sida ku cad Xaashide lambarkeedu yahay 000143
ee 30.7.84 kana soo baxday Bankiga Ganacsiga iyo
Keydka Gobolka Sanaag laanta Ceerigaabo.

HADDUU ARKAY: Qod. 69 sharciga lam. 2 ee 9,9.65.

WUXUU XEERIYEY SIDAN

In la baabiiyo (Ammortamento) Jeega lambarkiisu
386124 kuna qoran magaca Jaalle Cabdulaahi Aadan
Maxamed ayna ku taal lacag dhan 20.000

Waxaana la ogolaaday in Bankiga Ganacsiga iyo
Keydka laanta Ceerigaabo u bedelo J/le Cabdulaahi
Aadan Maxamed Jeega kor ku qoran una sameeyo mid
ia mid ah markii ay ka soo waagegtu muddo aan ka ya-
rayn 15 maalmood maalinta Go'aanka lagu daabaco
Faafinta Rasmiga ah ee J.D. Soomaaliya.

Ceerigaabo, 8 8.198.

Guddoomiyaha Max/da Gobolka Sanaag Cayrigaabo
Dr. Maxamuud Maxamed Ismaaciil

MAXKAMADDA GOBOLKA SH. HOOSE MARKA

GUDDOMIYAH MAXKAMADDA GOBOLKA

HADDUU ARKAY: DACWADDA KOR KU QORAN

HADDUU ARKAY: Buga Keydka lam. 742; laguna soo

Saaray Bankiga Ganacsiga & Keydka Soomaaliyeed laanta Marka, kuna qornayd lacag dhan Sh.So.

3.953 ayna lahayd Maka Xasan Faahiye sida ku cad warqadda taar. tahay 3,7,84, kana soo baxday Bankiga Ganacsiga & K. Soomaaliyeed laanta Marka.

HADDUU ARKAY: Qod. 69 sharciga lam. 2 ee 9,9,65.

WUXUU XEERIYEEY

In la baabi'yo (Ammortamento) Buuga Keydka lam. 742 kuna qoran Maka Xasan Faahiye ayna ku jirto lacag dhan Sh.So. 3.953

WUXUU AMRAYAA

In Bankiga Ganacsiga & Keydka Soomaaliyeed laanta Marka ubedelo Maka Xasan Faahiye Buuga Keydka kor ku tilmaaman una sameeyo mid la mid ah ka dib markay ka soo wareegto muddo aan ka yarayn 30 maal mood maalinta Go'aanka lagu daabaco Faafinta Rasmiga ah ee J.D.S. Haddii inta ka horaysa wax is hortaag ah laga keenin.—

Marka, 4.7.84.—

Guddoomiyaha Maxkamadda G. Sh. Hoose Marka
Maxamed Keynaan Warsame